

Rapport dell'academia "Il Curtin" de Mustér

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **31 (1945)**

PDF erstellt am: **17.09.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Rapport dell' academia «Il Curtin» de Mustér

La lavur ed igl interess dils commembers ei il prosperar d' ina secziun. — Quei ei veramein stau il cass en nies «Curtin». Nus essan stai mo 12 commembers, havein denton prestau in ton lavur. Senz' incaps, plein lavur e premura ein ils dus semesters vargai sut il presidi de Monn Calist e Monn Christian. Ei ha tuc-cau a scadin luvrer de bia lavur, mo tuts han tenu la dira entochen la fin.

En 26 radunonzas ein ils pli differentes temas vegni tractai. Nus havein tractau la canzun romontscha, il translatar, la poesia romontscha en general, sco era davart il tema: la lavur scientifica per romontsch. Dapli havein nus udiu referats sur il pur grischun, student e pievel, sco era studis davart differentes usits: la perdanonza, trer schibettas e magliar groma.

In ha referiu sur l' uniun de students surmirans — e buca pintgas discussiuns ha la reorganisaziun digl Ischi dau. Denter auter havein nus era empriu d' enconuscher meglier Decurtins e Placi Condrau. — Problems plitost universals ein stai: La munconza de forza electrica en Svizzerza ed il problem de Valrein. — Era il problem linguistic e cultural: Nies lungatg en survetsch militar, ei vegnius discussionaus en nies ravugl.

Era al tscheiver vein nus dau tempra romontscha: «Il ranver» ei vegnius empriu en uorden, cunzun pertenant la pronunzia. Emblidar de menzionar lein nus buca la fiasta de s. Flurin cun caussas mai sudidas e la finala la biala spassegiada, che vegn a restar en buna memoria.

Tut nies operar e luvrar pil romontsch e sia cultivaziun ei vegnius empalaus da Rev. Dr. P. Flurin Maissen, nies premurau protectur.

Possi il «Curtin» prosperar e flurir vinavon.

Mustér, ils 29 de fen. 1943.

M. C.